



Universitätsbibliothek Paderborn

**Francisci Bellegambe è Societate Jesu Theologi,
Enchiridion Theologo Practicum Tripartitum, De Ivbilæo
Ecclesiastico**

Bellegambe, François

Coloniæ Agrippinæ, 1700

Q. 6. An possit eligi Confessarius complex criminis, si à legitimo Superiore
ablata sit Confessario potestas absolvendi complicem?

urn:nbn:de:hbz:466:1-42093

S. 9. De Electione Confessarii. 213
&c. ut videro potes apud De Lugo
sup. n. 23. qui docens cum Filliucio,
Nugno, & aliis, talem non posse eli-
gi ubique, sed tantum intra istud op-
pidum, concludit: Requiritur ergo ap-
probatio, vel universalis, vel certè respe-
ctiva ad talem confessionem, ut ad illam
possit eligi per Bullam, aut Jubilæum.

Q. 5. An possit eligi Excommunicatus,
Suspensus ab exercitio Jurisdictionis, Irre-
gularis quoad Jurisdictionem?

R. Negativè. Id quod magis di-
cendum de Deposito, Degradato.
Tum ex praxi: Tum quia Pontifex
per Bullam Jubilæi neminem restituit
suo gradui, aut absolvit à vinculo,
quo quis tenetur. Ergo Censuratis, &
aliis ejusmodi, nihil patrocinantur
generalia verba: Confiteantur cuilibet
approbato Confessario. Gobat n. 236.
& seq. Vide infrà, q. 8.

Q. 6. An possit eligi Confessarius com-
plex criminis, si à legitimo Superiore ab-
lata sit Confessario potestas absolvendi
complicem?

R. I. Si ista potestas ablata sit per
appro-

214 P. 3. De Jubilao extraordinario.
per approbationem restrictam, seu ex-
cludentem crimen complicis, non
potest eligi à socio criminis ille Con-
fessarius: Quia hic non est approba-
tus pro tali peccato respectu illius.

R. 2. Quando adest prohibitio Su-
perioris, quā Confessarius prohibe-
tur ne absolvat à peccato, cuius ip-
se fuit complex (quā ratione, teste
Bonacinā, *De Sacram. disp. 5. q. 7. p. II.*
5. §. 5. n. 10. prohibetur in Diocesi
Mediolanensi, etiam sub pena ex-
communicationis) Negat fusē ibi-
dem Bonacina, maximè pro istā suā
Provinciā Mediolanensi, talem Con-
fessarium posse eligi à tali Pœnitente;
imò oppositum sentientes, dicit, in-
eptè ductos fuisse ad afferendum,
suamque sibi sententiam constanter
& indubitanter tenendam putat.

Q. 7. An possit eligi Sacerdos Regula-
ris, approbatus quidem simpliciter ab E-
piscopo, sed inscio & invito seu prohibente
superiore?

R. 1. Non posse eligi talem Regu-
larem, si sit è Religione, ubi rece-
ptum